



Svmma Juris Canonici

Comprehensa Tribus Partibus In Qva Distincte Et Svccincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

Sive Antinomia Ivris Pontificii Et Cæsarei - per CCL. Differentias plurium
Doctorum auctoritate probatas, singulari studio in certas classes reducta,
discussa, & explicata

Strein, Johann

Coloniæ Agrippinæ, 1658

CLV. Differentia 26. Iure civili filiusfam. in omnibus causis regulariter non
potest esse in iudicio absque patris consensu.

[urn:nbn:de:hbz:466:1-61864](https://nbn-resolving.org/urn:nbn:de:hbz:466:1-61864)

DIFFERENTIA 26.

Iure civili filiusfam. in omnibus causis regulariter non potest esse in iudicio absque patris consensu. *l. 1. C. De bon. matern. l. cum non solum. §. necessitatem. C. De bon. qua liberis.* Iure Canonico autem, cum agitur de spiritualibus, etiam minor 25. annis absque consensu patris in iudicio esse potest. *c. si annum de iud. in 6. Bartol. 177. Io. Bapt. à S. Blasio. 13.*

I. *Ex 1. C. de bon. mat. citata,* patri commendat, ut bonorum, quæ filijs competunt, diligentem curam habeat, & quod iure filijs debetur in examine per se vel procuratorem poscat, & litem inferentibus resistat. In *l. Cum non solum. De bon. qua liberis* Glossa Gorredii. annotat. cum filiosfam. iudicium non consistere sine patris voluntate. Fallit tamen in causâ criminali. *Bart. in l. Inter liberos. §. 1. ff. De adult. quem sequitur Card. Alexand. in c. De accus. col. 9. 2. Q. 8. Arret. Consil. 138. Villalob. in commun. opin. litt. F. n. 133. Farinac. in Pract. Crimin. Q. 12. n. 10. qui cum Iul. Claro nunquam se vidisse dicit in praxi, quoddam sive agendo, sive defendendo filiosfam. sine consensu patris non possit in iudicio stare, quando causa de publico, vel privato crimine agitur. Fallit item in causâ spirituali, & religionis. *cap. fin. de iudic. in 6.* ijs quoque, quæ voluntariæ iurisdictionis sunt. *Bald. in l. fin. C. De qua bon. liberis.* & quoties pater non est rerum filij legitimus administrator. *Bart. in d. l. §. Necessitate, Præterea in**

causis beneficiorum idem esse censent. *cap. 1. de iurid. & quoties iudicis officium implorat: causa reconventionis & appellationibus.* Illis denique casibus, quibus minor in iudicio esse potest sine auctoritate tutoris, vel si alieno nomine compareat. *V. Socin. Reg. 151. Tholof. l. 11. c. 8. n. 25.*

II. Quod ius Canonicum attinet, Glossa in *cap. si annum de iudic. in 6.* disertè asserit, minorem 25. annis quascunque causas spirituales, & ab illis descendentes absque auctoritate curatoris tractare posse. Præterea filiosfam. beneficiatum in causâ beneficii sui, absque patris consensu & auctoritate agere. Nam in spiritualibus causis potestas patria non attenditur. *Andr. Gail. lib. 2.*

Obs. 95. n. 4.